



**Hortulus Biblico-Moralis Et Asceticus**

**Pappus von Tratzberg, Franz**

**Ulm, 1725**

Doctrina 2. Desumpta ex cap. 22. 23. & 24. lib. Numeri, in quibus  
describitur correptio Balaam Prophetæ facta ab Angelo & Asina loquente.

Data Israëlitis Benedictio à Balaam & votum de morte ...

---

[urn:nbn:de:hbz:466:1-61252](#)

nibūs, quot gratiis abundares ! eveniret tibi per brevi, ut cum S. Paulo rerum terrenarum pertæsus exclamares : omnia arbitror ut ster-  
cora. Nam certa res est S. Gregoriō Homil. 11. in Evangel. teste :  
*Qui cœlestis vita dulcedinem cognoverit, ea qua in terris amaverat, libenter relin-  
quit, quia in comparatione illius vilescent omnia.* Sicut enim naturali ordi-  
ne, ubi sol suos explicavit radios, illico minora lumina suos abscon-  
dunt splendores, ac desinunt videri : ita omnis auri fulgor, gemina-  
rum nitor, facierum pulchritudo, ad unius cœli, bene considerati  
splendorem, in Christiana occidunt anima, æstimarique desinunt. Fin-  
ge tibi hominem, ignobili in tugurio natum, & potiori vitæ tempo-  
re ibidem nutritum esse. Hic planè suum apprimè laudabit domi-  
ciliū, paucos ei pares, vix dum superiores dari in orbe lares credit,  
donec aliquando in amplam urbem divertens, aspiciat Palatia, in  
Palatiis excultas tapetibus cameras, crystallō illuminata cubicula. Ta-  
libus visis stupore defixus incipiet hærere, ac tum primò suum sibi  
mapale sordescere, omnia in illo nimis vilia, nimis angusta, ac peni-  
tus nihil habenda videri. Sic eveniet illis, qui diu terrenis immersi, ar-  
bitrabantur par, aut superius illis bonum non posse reperiri. At quam-  
primum mentis suæ oculis cœperint cœlestia contemplari, jam vo-  
luptates omnes, honores & divitias, quas antea tanti fecerant, in cœ-  
lestium comparatione incipient contemnere, & pedibūs calcare, cum  
Ignatio Lojola exclamantes. ò quàm sordet mihi terra, cùm cœlum  
aspicio. Id ipsum tibi continget Christiane, si talem egeris Astrolo-  
gum. Quare Moysen imitaturus, pone ante oculos mentis tuæ cœle-  
ste illud simus, serpentem, figuram crucifixi Salvatoris, in quo latent  
omnes delitiae & divitiae cœlestes. Cerne : quomodo ille terrenis  
omnibūs amore tui nudatus è stipite pendeat, ut tu illius considera-  
tione discas te quoque exuere terrenis omnibūs, in æternum cum  
ipso cœlestia possellurus.

## Doctrina 2.

*Defumpta ex cap. 22. 23. & 24. lib. Numeri, in quibus describitur correptio  
Balaam Prophete facta ab Angelo & Asina loquente. Data Israëlitis  
Benedictio à Balaam & votum de morte Justorum. Tertia denique Bene-  
dictio Israëlitarum & Vaticinium de futuris &c.*

F f 2

Confi-

N.161. Considera 1.

**Q**UAM vehemens sit passio auri argentiisque cupido, quando haec semel firmam egerit radicem in pectore humano. Enim verò licet Angelus à Deo missus sit, qui Propheta Balaam, à Balac pretiō inductum, nitebatur avertere obfidendā viam, ne pergeret ad maledicendum Populo Dei: imò licet asina in humanas erumperet voces, eum acriter reprehendens: attamen auri cupiditate eò adactus est, ut haec omnia etsi fortissima repugula perfringere conaretur, incepsum prosecuturus iter. Poterat olim Josue solem & lunam sistere dicendō cap. 10. *Sta sol, ne moveare contra Gabaon, & luna contra vallem Ajalon.* Sed avari illius Achan cupidinem, quā flagraverat, sistere non potuit. ò quā verissima igitur sunt S. Chrysost. Homil. 6. in Matth. scribentis verba: *Tam atrox, inquit ille, est pecuniarum cupiditas, ut licet alioquin virtutis simus Alumni, nihil tamen divitiarum appetitione impediti proficere possimus: quare non injuriè S. Paulus eam omnium malorum radicem appellavit.* Enim verò illa rapuit & abstulit Sacrificia, Deo vero debita, & jam destinata eō tempore, quō Hebræorum populo præsidebat Jojadas Rex. Illa Idolatriam introduxit, dum Dei veri locō vitulum aureum in districtu Samariæ adorari fecit, atque imbelles Sacerdotes ferro & loricā armavit, prohibituros, ne fidelium Jerosolymis fierint victimæ. Illa Hebræorum corrupit, ac depravavit Concilium, jussitque conclamare contra innocentiam Salvatoris. Illa, ut alibi jam fusius memini, ex Apostolo proditorem fecit. Illa denique Hæreseos pestilentiam intulit Ecclesiæ: nam Chrysost. teste Homil. 17. in 1. ad Timoth. *Tolle pecuniarum, & cessabunt hæreses.* Talia nonnihil exactius perpendens Christiane Lector, quid cogitas, qui diu noctuque corrodendis inhias pecuniis, & tamen tibi blandiris de non modica virtute, donandus aliquando cœlestibus dīvitiiis? metuendum sanè: non Angelos cœlestes tantum, sed infernales quoque asinos tibi iter ad cœlum præclusuros esse. Frustrâ nunc cum Baalam exclamas v. 10. cap. 23. *Moriatur anima mea morte Justorum. Qui nihil magis odio habes, quā voluntariam Justorum paupertatem.* Si facilius est juxta æternæ veritatis effatum, transire camelum per foramen acūs, quām divitem intrare Regnum cœlorum, qualem tibi de ætetna salute spem certam poteris fingere, nisi, dum adhuc vacat, inordinatum ad divitias exuas appetitum?

N.162.

Considera 2. Quām multos Christianos detur reperire, qui vel ex libris à se lectis, vel ex concionibus à se auditis Praconia cœlestis gloriae

gloriæ extollunt, dicentes cum Balaam v. 5. cap. 24. Quām pulchra  
 Tabernacula tua Jacob, & Tentoria tua Israël! à fallaci tamen rerum cadu-  
 carum pulchritudine seducti, tam parum se aptos reddunt, ad possi-  
 denda aliquando hæc Tabernacula, quām parum se ad illa aptum  
 reddiderat Balaam. Imitantur illi Saulem, qui plus laboris atque cu-  
 ræ impendit querendis asinis, quām acquirendo totius Israëlitica Gen-  
 tis Regno. Demades inter Græcos vir non obscuri nominis propter  
 raram, quām in pingendo possederat peritiam: cùm missus ad Phi-  
 lippum Macedoniæ Regem multa ab eo quereretur, de amplitudine  
 & venustate Athenarum civitatis, graphidos apprimè peritus, non  
 verbis, sed lineis eam in tabula sic expressit, ut Rex Urbis potiundæ  
 desideriò incensus, in hæc prorumperet verba: Ut urbs hæc mea sit, vel  
 ferrò vel aurò efficiam. Deus bone! rudis isthæc Athenarum adumbra-  
 tio Philippum movit, ut quidquid laboris aut pretii insumendum fo-  
 ret, illius potiundæ causâ lubens libensque impenderet: & nos Chri-  
 stiani, qui tam vivis coloribüs per vivam fidem depictam habemus  
 cœlestem Jerosolymam, qui occulato testi Apocalypticō Joanni nus-  
 piam contradicimus, hanc civitatem istis verbis describentis: *Ipsa ci-*  
*vitas aurum mundum simile vitro mundo, & fundamentum muri civitatis, omne*  
*lapide pretiosè ornata: & duodecim portæ, & duodecim margarite sunt per sin-*  
*gulas; & singula portæ erant ex singulis margariis: & plateæ civitatis aurum*  
*mundum tanquam vitrum pellucidum. Rarò, aut nunquam audimur dicere*  
*cum Philippo: Urbs hæc mea sit, vel ferrò vel aurò efficiam. Aurò enim nul-*  
*lus eà potietur, qui non se strenue exercuerit in corporalibus miseri-*  
*cordiæ operibus, largus in erogandis in pauperes eleemosinis existens.*  
*Ferrò illam non assequetur, qui corruptæ naturæ per mortificationis*  
*gladium vim non intulerit, qui non acceperit crucem suam, ferreò*  
*cuspidè transfixum secuturus Christum. Hoc satis noverat Martyrii*  
*laureâ insignitus ille Laurentius, qui ad superandam istam urbem &*  
*autò & ferrò usus est: ut duplícî hac armaturâ eò fortius impugna-*  
*ret cœli mœnia, & eò certius expugnaret. Præmisit ergo aurum, quan-*  
*do manu liberalissimâ omnes thesauros Ecclesiæ in pauperes distribuit:*  
*dein subsecutus est ferrò, laceros artus, & multa sectione consciſſos*  
*imponi permittens ferreæ crati. Et ò felicissimum pugilem! etiam-*  
*num inter mortales constitutus, jam videbatur urbis hujus deliciis im-*  
*mortalibüs & pulchritudine frui, dum inter immanes pœnas exclamare*  
*auditus est: Carbones isti non pœnam, sed refrigerium mihi prastant. Te-*

F f 3

ste

ste Heroldò c. 6. S. Chrysost. aureum illud eloquentiae flumen auditus est dicere: se non tantum aurô vel ferrô, sed patiente ipsa Inferni tormenta (si necesse foret) effecturum, ut aspectu Christi per momentum frui liceret. Quid tu resolvis Christiane Lector? placetnè cum avarissimo Balaam ad breve tempus aurô, quod tibi Mundus offert ad obtinendas dignitates, ad ædificandas domus, ad adornanda convivia, ad ditandos propinquos, hic frui: & in æternum cum illo cœlestibus Tabernaculis privari? placetnè, momentaneis voluptatibus hic recreari, & cum Balaam inter æternos ignes lacrymari?

### Doctrina 3.

*Desumpta ex cap. 25. 26. & 27. lib. Numeri, in quibus describitur Israëlitarum cum Moab fornicatio, tristitia inde à Moyse concepta. Principum Populi pœna Patibulum. Numerus Populi iterum initus, filiis Core ab interitu reservatis. Electio Josue in Duce loco Moysis morituri.*

N.163. Considera 1. **V**eros Christianos Moysen imitari debere, quando audiunt ab illis gravia perpetrari peccata. Testatur de illo S. Scriptura v. 7. cit. capit. quod fleverit ante Tabernaculi fores, quando unus de filiis Israël, suæ libidini vacaturus, ad scortum Madianitidem intravit. Christus Dominus Lucæ 19. flevit non ratione proprii sanguinis fundendi à civibus Jerosolymæ, sed ratione scelerum & interitū civitati imminentis, quem etiam hoc in passu secuti sunt Martyres plurimi teste Cassiodoro, qui non tantum pœnitis cruciabantur in corpore, quantum flagitiis Tyrannorum affiebantur in mente. *Supra mortuum plora, hortatur Eccles. c. 22. defecit enim Lux ejus, & super satuum plora, deficit enim sensus. Homo mortuus est per peccatum, cui adhæret. Lucem perdidit, dum gratiam amisit; satuum se probat, quia privatus est prudentiâ Justorum, quæ animi vigor dicitur: sensit, amisit, quia res salutem suam concernentes instar cadaveris non sentit. Supra talēm plora o Christiane! extraneum enim à charitate se fatetur, ait S. Laurent. Just. in Fasic. amoris c. 14. Qui peccanti non compatitur proximo. Quis (nisi in marmorem durissimam transiisset) non teneretur compassione, quando horrendæ illius Tragœdia deberet agere spectatorem, quam Mexentius inusitatō & plus quam barbaro modō in scenam protraxit; viva corpora fœdissimis cada-*